



Broj: 08-884-1/26

Datum: 14.05.2026.godine

Na osnovu člana 70.stav (1), (2), (3) i (6) Zakona o javnim nabavkama („Sl.glasnik BiH“, broj: 39/2014, 59/2022 i 50/2024), člana 14. Pravilnika o javnim nabavkama JU OŠ „Novi Grad“ Tuzla broj: 458/2024 od 11.09.2024.godine i Prijedloga Komisije za javne nabavke konstatovane u Zapisniku o pregledu i ocjeni ponuda broj: 08-883-1/26 od 14.05.2026.godine, direktor škole donosi

**ODLUKU**  
o izboru najpovoljnijeg ponuđača  
u konkurentskom zahtjevu za dostavu ponuda

**Član 1.**

Prihvata se Prijedlog Komisije za javne nabavke imenovane Rješenjem broj: 02-730-1/26 od 17.04.2026.godine, te se ugovor o nabavci IT opreme u okviru akelius digitalnog učenja stranog jezika u vrijednosti od **10.581,44 KM** bez uračunatog PDV-a, odnosno **12.380,28 KM** sa uračunatim PDV-om dodjeljuje ponuđaču: **R&S d.o.o. SARAJEVO**, sa registrovanim sjedištem ponuđača na adresi Igmanska bb, 71 320 Vogošća, JIB: 4200056290005 koji je u konkurentskom zahtjevu za dostavu ponuda dostavio prihvatljivu ponudu, odnosno ispunjava sve uslove i zahtjeve propisane tenderskom dokumentacijom.

**Član 2.**

Ugovor o nabavci IT opreme u okviru akelius digitalnog učenja stranog jezika dostaviće se na potpis izabranom ponuđaču iz Člana 1.ove Odluke po proteku roka za žalbu na ovu Odluku, računajući od dana kada je ponuđač obavješten o izboru najpovoljnije ponude.

**Član 3.**

Ponuda ponuđača INTER-COM d.o.o.ZENICA se odbacuje kao neprihvatljiva u skladu sa članom 68. stav (1) i stav (4) tačka i) Zakona o javnim nabavkama, jer ponuda ne ispunjava zahtjeve iz tenderske dokumentacije (za dokumentaciju dostavljenu na engleskom jeziku, ponuđač nije dostavio prevod ovlaštenog sudskog tumača).

**Član 4.**

Ova Odluka će biti objavljena na web stranici ove ustanove [www.novigrad.skolatk.edu.ba](http://www.novigrad.skolatk.edu.ba) i to istovremeno s upućivanjem odluke ponuđaču koji je učestvovao u postupku javne nabavke, u skladu sa članom 70. stav (6) i članom 71. stav (2) Zakona o javnim nabavkama.

**Član 5.**

Ova Odluka stupa na snagu danom donošenja

**O b r a z l o ž e n j e:**

Javna ustanova Osnovna škola „Novi Grad“ Tuzla je u skladu sa članom 88. Zakona o javnim nabavkama objavila konkurentski zahtjev za dostavu ponuda broj: 08-760-1/26 od 27.04.2026.godine za nabavku IT opreme u okviru akelius digitalnog učenja stranog jezika. Na portalu javnih nabavki objavljeno je Obavještenje o nabavci broj: 5435-7-1-9-3-8/26 od 28.04.2026.godine. Ukupna procijenjena vrijednost javne nabavke iznosila je 10.683,00 KM bez PDV-a, a kriterij za dodjelu ugovora je „najniža cijena“.

Ponuđači su mogli preuzeti tendersku dokumentaciju samo preko portala javnih nabavki u skladu sa članom 55. stav (1) tačka d) Zakona o javnim nabavkama.

Na osnovu obavještenja o nabavci i konkurentskog zahtjeva za dostavu ponuda izvršeno je javno otvaranje ponuda dana 12.05.2026.godine u 11:00 sati u prostorijama JU OŠ „Novi Grad“ Tuzla, o čemu je sačinjen Zapisnik o otvaranju ponuda u skladu sa Zakonom.

Komisija za javnu nabavku, imenovana Rješenjem broj: 02-730-1/26 od 17.04.2026.godine, na javnom otvaranju ponuda konstatovala su do utvrđenog krajnjeg roka za dostavu ponuda zaprimljene 2 (dvije) ponude: 1.ponuda ponuđača INTER-COM d.o.o. ZENICA i 2.ponuda ponuđača R&S d.o.o. SARAJEVO.

Komisija je prema članu 65.Zakona pristupila pregledu i ocjeni ponuda o čemu je sačinjen Zapisnik o pregledu i ocjeni ponuda broj: 08-883-1/26 od 14.05.2026.godine koji je sastavni dio ove Odluke.

Ugovorni organ je u Tenderskoj dokumentaciji i Obavještenju o nabavci predvidio održavanje e-aukcije. Uzimajući u obzir činjenicu da je samo jedan ponuđač dostavio potpunu i prihvatljivu ponudu, e-aukcija se nije mogla održati.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalificiranosti ponuđača, te ocjenu pristigle ponude, shodno kriterijima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno Preporuci Komisije za javnu nabavku datoj u Zapisniku o pregledu i ocjeni ponuda, broj: 08-883-1/26 od 14.05.2026.godine, Ugovor o nabavci IT opreme u okviru akelius digitalnog učenja stranog jezika u vrijednosti od 10.581,44 KM bez PDV-a odnosno u vrijednosti od 12.380,28 KM sa PDV-om dodjeljuje se ponuđaču R&S d.o.o. SARAJEVO, sa registrovanim sjedištem ponuđača na adresi Igmanska bb, 71 320 Vogošća, JIB: 4200056290005 koji je u konkurentskom zahtjevu za dostavu ponuda dostavio ponudu koja je ocijenjena kao prihvatljiva ponuda koja ispunjava sve uslove i zahtjeve propisane tenderskom dokumentacijom.

Ponuda ponuđača INTER-COM d.o.o.ZENICA odbacuje se kao neprihvatljiva u skladu sa članom 68. stav (1) i stav (4) tačka i) Zakona o javnim nabavkama.

Tačkom 26.Tenderske dokumentacije-Jezik i pismo ponude propisano je da se ponuda dostavlja na jednom od službenih jezika u Bosni i Hercegovini, na latiničnom ili ćiriličnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini. Dokumentacija može biti i na drugom jeziku, ali u tom slučaju se obavezno prilaže i prevod ovlaštenog sudskog tumača za jezik sa kojeg je prevod izvršen za dijelove dokumentacije iz kojih će se vršiti ocjena kvalifikovanosti ponuđača i prihvatljivosti ponude.

Uzimajući u obzir da ponuđač INTER-COM d.o.o.ZENICA nije dostavio prevod za dio tražene dokumentacije od strane ovlaštenog sudskog tumača, komisija nije mogla nedvosmisleno utvrditi da li ponuđena roba ispunjava tehničke zahtjeve jer su ključne karakteristike ostale na engleskom jeziku, nije mogla izvršiti sigurnu i zakonitu ocjenu i provjeru sadržaja dokumentacije, niti utvrditi ispunjenost uslova kvalifikacije i prihvatljivosti ponude na način propisan tenderskom dokumentacijom.Ugovorni organ je obavezan odbaciti ponudu ukoliko ista nije potpuna ili nije u skladu sa zahtjevima iz tenderske dokumentacije. Kako su odredbe tenderske dokumentacije obavezujuće za sve ponuđače, navedeni ponuđač je bio dužan svoju ponudu pripremiti u potpunosti u skladu sa propisanim uslovima navedenim u tenderskoj dokumentaciji. Nepostupanje po zahtjevima tenderske dokumentacije je formalni nedostatak koji ponudu čini neprihvatljivom.

Shodno navedenom Ugovorni organ je prihvatio Prijedlog Komisije i donio Odluku kao u dispozitivu.

**Pouka o pravnom lijeku:** Protiv ove Odluke može se izjaviti žalba u roku od 5 (pet) dana od dana prijema Odluke. Žalba se izjavljuje Uredu za razmatranje žalbi putem Ugovornog organa, u pisanoj formi direktno, elektronskim putem ili preporučeno poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

**Prilog:** -Zapisnik o pregledu i ocjeni ponuda, broj: 08-883-1/26 od 14.05.2026.godine.

Direktor škole:

Jogunčić Sabina

Dostavljeno:  
- Ponuđačima  
- Računovodstvo  
- a/a